



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**COLLA=||TIONVM SACRA-||RVM LIBRI VIII.**

**Bredenbach, Tilmann**

**Coloniae, 1584**

**VD16 B 7375**

20. Quomodo defunctus anxio filio apparet in somnis, et de chirographo certiozem reddit.

[urn:nbn:de:hbz:466:1-52445](https://nbn-resolving.org/urn:nbn:de:hbz:466:1-52445)

cut fuerat, comperisset astrictam, crepuisse  
atque exilijsse annulum suspicata est: qui eti-  
am ipse cum integerrimus fuisset inueniens,  
futuræ salutis quodammodo pignus de tanto  
miraculo se accepisse præsumpsit, atque illud  
vinculum soluens, simul cum eodem annulo  
proiecit in flumen. Non credunt hoc, qui eti-  
am Dominum IESVM, per integra. Virgi-  
nalia matris enixum, & ad discipulos ostijs  
clausis ingressum fuisse non credunt.

*D. Augustinus lib. de cura promortuis gerenda  
cap. 11. Pater defunctus anxio filio apparet  
in somnis & de Chirographo certiore red-  
dit.*

## CAP. XX.

**P**RO certo cum Mediolani essemus, au-  
diuimus, quod cum debitum repeteretur,  
à quodam defuncti patris cautione  
prolata, quod filio nesciente à patre iam fue-  
rat persolutum, contristari homo grauissimè  
cepit atque mirari, quod ei pater moriens,  
non dixerit quid deberet, cum fecisset etiam  
testamentum. Tunc nimis anxio apparuit i-  
dem pater eius in somnis, & ubi esset recau-  
tum, quo illa cautio vacuata fuerat, indicauit.  
Quo inuento iuuenis atque monstrato, non  
solum falsi debiti calumniam propulsauit,  
sed etiam paternum recepit chirographum,  
quod pater non receperat, quando persoluta  
est pecunia.

*D. An.*